

近體詩

1. 〈遣閑〉：
秋來屏事絕風色。坐看雲窗連玉城。別夢無由窮日暮。雕闌亂碧一寒聲。
2. 〈獨語〉：
獨語斜欄寒不勝。千山欲渡奈無因。鴻雁自是飛來去。爲復憐他惜別人？
3. 〈訴迷方〉：
未知懷袖意悠悠。還作南風自浪愁。輾轉他朝花盡去。多情誰與苦淹留？
4. 〈孟冬〉：
綺歲年涯徒老骨。一番思顧可情人。傷摧譬似渾閒事。憑繫初寒寄我身。
5. 〈答客難〉：
不須鴟雛窮北征。鷓鴣自有噪呼聲。盜儒邪曲能涼味。風鯁猶之安至誠？
6. 〈雜感〉：
迴腸苦恨亂何窮。立盡梯橋歸袖風。但得他年愁不見。華首未許與君同。
7. 〈羈旅在外〉：
尖風遙夜寒生骨。雲漢連天月作鄰。獨有歲陰何冷落？爭知行色更愁辛。
8. 〈詈詞〉：
似許寒梅骨。開花爛若桃。逐羣惟亂色。無賴自風騷。
9. 〈自度〉：
騷人愁眼毒。未識器難量。有自悲烹狗。何來晚節香？
10. 〈感舊〉：
滄浪無前後。風懷李郭舟。朝來春恨望。嘆笑復何求？

11. 〈迷誤〉：

幼安清懷還割席。終是有類夏蟲疑。如今何惜馮唐老？自顧平生不我期。

12. 〈罷了〉：

罷了鬢顏鏡裏絲。終應不夜有窮時。從來別自風流夢。爲解朝來感恨誰？

古詞

1. 〈如夢令〉：

其一

別我深情休復。一醉淒風遲速。誰與並銷魂？萍寄雁鴻思服。行哭。行哭。斜照鬱鳴森木。

其二

許我坐懷驚乍。已事任從嘲罵。對景怎相知？緣會且由天假。生怕。生怕。跋躑兩難心下。

其三

終日是非人語。無以此中來去。記省粉郎兒！取醉別顏歸處。千度。千度。遙夜夢魂思顧。

2. 〈菩薩蠻〉：

其一

誰憐夢斷鶯聲早？一思一詠催人老。良夜捲珠簾。酒情紅淚霑。風流花弄色。佳會嬌無力。攤破滿庭金。閑愁春又深。

其二

殘寒回繞交年節。多情誰省徒孤孽？知曉那人心。塵緣猶古今。羞爲賓入幕。雲態相思度。夜久眼迷稀。淚霑金縷衣。

其三

夜闌猶戀風窮破。春魂寒對何如我？新雨訴孤眠。飄淪離恨天。爛遊無早晚。惟見人愁眼。爭似一牛鳴？催花三月情。

3. 〈臨江仙〉：

庭院深深深幾許？斜陽重困愁城。
秋還無故送秋聲。燕鴻相與別。流恨寄浮生。
夢斷天南傷客目。淒淒多少分明。
殘寒欲化雨隴晴。閒心人不問。何意訴衷情？

4. 〈卜算子〉：

寒曉度長風。幽夢無情死。肌雪香腮玉骨羞。還作披衣起。
憐我恨因誰？最是楊朱淚。分付相思枉自愁。不問君醒未。

5. 〈采桑子〉：

愁心舊恨瀟瀟雨。自外森涼。曲致春償。風細寒生夜未央。
當時誰惜詩肩瘦？極盡年光。妒婦爭桑。一任棲鴉訴短長。

6. 〈西江月〉：

夢向故情窮竭。醒來不枕何如？幽懷尋省恨諸餘。昔昔憂愁風雨。
舊事人言偷耳。等閒剖判私殊。而今忍話淚能無？轉側分明是處。

7. 〈一葉落〉：

倚醉處。連昏曙。此情欲住已難住。
幾番忘此身。依然身如故。身如故。夢好憑誰訴？

8. 〈醉花陰〉：

似續閒情何許破？不負當初我。隻影抱孤傷。無意相知。從教春心鎖。
生憐夢斷多驚錯！算冷宵難過。粉淚莫輕彈。分付他朝。幾回思環臥。